



Broj: **01/3-50-1-3-47/10**

Sarajevo, 29. juna 2010. godine

Z A P I S N I K

47. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 29. juna 2010. godine

Sjednica je počela u 12 sati.

Sjednici je predsjedavao prvi zamjenik predsjedavajućeg Komisije Mehmed Suljkanović. Sjednici su prisustvovali članovi Komisije: Slavko Jovičić, Željko Kuzmanović, Ljiljana Milašin, Salko Sokolović, Šemsudin Mehmedović, Nermina Zaimović-Uzunović, Jerko Ivanković Lijanović

Opravdano je odsustvovao Ekrem Ajanović.

Sjednici su prisustvovali: Nada Rajković, pomoćnik ministra poljoprivrede, vodoprivrede i šumarstva FBiH, Darko Čobanov, zamjenik direktora Ureda za veterinarstvo BiH, Jasmin Ferizbegović, predsjednik Veterinarske komore FBiH, Mladen Gostović, zamjenik predsjednika Veterinarske komore Republike Srpske, Alma Kobašlija, načelnik službe za pravne, kadrovske i opće poslove u Ministarstvu poljoprivrede, vodoprivrede i šumarstva FBiH, Edib Hujdurović, šef Agencije za obilježavanje životinja Ureda za veterinarstvo BiH, Edina Delalić, viši stručni saradnik u Sektoru za odnose s javnošću u Parlamentarnoj skupštini BiH, Radomir Marjanović, stručni savjetnik u Komisiji za vanjsku trgovinu i carine, i Emira Češljarić, sekretar Komisije za vanjsku trgovinu i carine.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 46. sjednice Komisije,
2. Realizacija zaključaka 45. sjednice Komisije – razmatranje predstavke Veterinarske komore FBiH br.01/3-50-2-553/10, s informacijom Ureda za veterinarstvo BiH, od 7.6.2010., i materijala Veterinarske komore Federacije BiH broj: 01/3-50-2-553/10, od 11.6.2010.
3. Tekuća pitanja:
 - a) upoznavanje sa stavom Kolegija Predstavničkog doma, od 7.6. 2010., o Zaključku 45. sjednice Komisije u vezi s obustavljanjem postupaka o prijedlozima izmjena Zakona o carinskoj tarifi BiH iz 2007. godine, predlagača: Komisije za vanjsku trgovinu i carina i Vijeća ministara BiH

Ad. 1. Usvajanje Zapisnika 46. sjednice Komisije

Zapisnik 46. sjednice Komisije usvojen je jednoglasno, bez primjedbi.

Ad.2. Realizacija zaključaka 45. sjednice Komisije – razmatranje predstavke Veterinarske komore FBiH br.01/3-50-2-553/10 s informacijom Ureda za veterinarstvo BiH, od 7.6.2010., i materijala Veterinarske komore Federacije BiH, od 11.6.2010.

Mehmed Suljkanović, prvi zamjenik predsjedavajućeg Komisije, podsjetio je prisutne na Zaključak sa 45. sjednice Komisije po kojem je Ured za veterinarstvo BiH trebalo da sačini i dostavi Komisiji informaciju o predstavci Veterinarske komore Federacije BiH s dokazima i činjenicama u vezi s navodima iz predstavke kako bi Komisija mogla razmatrati predstavku kao tačku dnevnog reda i upoznao prisutne sa sadržajem dostavljene Informacije Ureda za veterinarstvo BiH.

U raspravi su učestvovali: Darko Čobanov, Jerko Ivanković Lijanović, Mehmed Suljkanović, Mladen Gostović, Jasmin Ferizbegović, Nada Rajković, Alma Kobašlija, Edib Hujdurević, Salko Sokolović, Slavko Jovičić i Željko Kuzmanović.

Darko Čobanov istakao je da ne prihvata primjedbe iz predstavke Veterinarske komore Federacije BiH i ukazao na probleme normativnih akata i preklapanja nadležnosti u ovoj oblasti što uzrokuje mnoge nejasnoće i probleme u svim poslovima pa i u poslu obilježavanja stoke. Rekao je da je u toku izrada jedinstvene i cjelokupne baze podataka iz direktive Evropske unije i da će se u njenoj izradi koristiti podaci postojećeg sistema koji treba biti operativan početkom 2011. godine.

Mehmed Suljkanović pitao je da li na području Bosne i Hercegovine postoji paralelna institucija za obilježavanje životinja i kako se moglo desiti da pored Ureda za veterinarstvo ovlaštenog za ove poslove te poslove radi još neko a Ured na to ne reagira.

Jerko Ivanković Lijanović pitao je zašto Ured za veterinarstvo nije uradio svoj posao i zašto veterinarski organi u Federaciji BiH vrše paralelno označavanje životinja. Predložio je da se u Mapu puta koja se radi po Zaključku 44. sjednice Komisije, s ciljem stvaranja uslova za izvoz proizvoda životinjskog i biljnog porijekla ugrade detaljno razrađena rješenja obilježavanja životinja s rokovima, nosiocima, inspekcijским nadzorom i odgovornostima za provođenje ovih aktivnosti, što su članovi Komisije podržali.

Jasmin Ferizbegović istakao je potrebu dosljedne primjene Zakona o veterinarstvu BiH i člana 16. koji naglašava uspostavljanje jedinstvenog sistema označavanja životinja u BiH i onemogućava bilo kakav paralelizam u ovoj oblasti, radi čega je Vijeće ministara BiH krajem 2002. godine formiralo Agenciju za označavanje životinja u Banjoj Luci. Dalje je napomenuo da je jedinstven sistem označavanja svih životinja obaveza koja proističe iz Sporazuma o stabilizaciji i pridruživanju kao i poštivanje propisa koji su na snazi u Evropskoj uniji.

Nada Rajković apostrofirala je da je na teritoriji Federacije BiH s ciljem zaštite zdravlja ljudi pojavom zarazne bolesti bruceloze, koja se sa životinja prenosi na ljude, 2007. godine donesen pravilnik za obilježavanje (sitne stoke) ovaca, koza i svinja kada je u saradnji s kantonalnim organima, RS-a i Brčko Distrikta BiH iz oblasti veterinarstva izvršeno označavanje sa ušnim markicama oboljelih životinja kako bi se uveo red u kretanju i praćenju zaraženih životinja. Svjesni da obilježavanje treba vršiti na nivou države ali posao obilježavanja sitne stoke na teritoriji oba entiteta BiH i Brčko Distrikta BiH samo može biti od velike pomoći i koristi za jedinstvenu bazu podataka na državnom nivou.

Istaknula je da se u narednih sedam godina ne može izvršiti praćenje kravljeg ludila koji tek treba da se uspostavi i da će sve ušne markice koje su do sada korištene za označavanje oboljelih životinja biti promijenjene u narednih pet godina, tj. biti jedinstvene za obilježavanje stoke na teritoriji BiH.

U daljnjoj raspravi u kojoj su učestvovali svi prisutni istaknuto je da je označavanje životinja, kako goveda, tako ovaca, koza i svinja na teritoriji oba entiteta počelo u 2007./2008. godini, a sve s ciljem zaštite prvenstveno zdravlja ljudi, s pojavom bruceloze, i ovi podaci bit će uneseni u centralnu bazu podataka kada sistem bude operativan tj. početkom 2011. godine. Od 2008. godine Ured za veterinarstvo BiH počeo je označavati goveda uz podršku entitetskih veterinarskih komora, a na osnovu Pravilnika o označavanju i kontroli kretanja životinja u Bosni i Hercegovini koji je, na

prijedlog Ureda za veterinarstvo BiH, donijelo Vijeće ministara BiH sa stupanjem na snagu 1.7.2010. vršit će se označavanje i registracija kretanja goveda, svinja, ovaca i koza u BiH.

Nakon rasprave **jednoglasno je zaključeno** da se zaključak 44. sjednice Komisije koji se nalazi u radu u Uredu za veterinarstvo BiH proširi, tako što će se u mapu puta dodati aktivnosti s konkretnim rokovima i izvršiocima o uspostavljanju centralne evidencije obilježavanja životinja u skladu s odredbama Zakona o veterinarstvu, podzakonskim aktima donesenim na nivou BiH i zahtjevima EU.

Nakon rasprave, uz saglasnost Ureda za veterinarstvo BiH, također je **zaključeno** da članovima Komisije (Slavku Jovičiću, Mehmedu Suljkanoviću i Jerku Ivankoviću Lijanoviću) Ured za veterinarstvo BiH dostavi relevantne informacije na osnovu navoda iz predstavke, koja im je dostavljena uz poziv za prisustvo 47. sjednici Komisije, informacije koje su korištene u izradi za proširenu mapu puta, te izvijesti o preduzetim radnjama u pravcu uspostavljanja jedinstvenog sistema označavanja životinja, po mogućnosti do 20. 7. 2010.

Ad. 3. Tekuća pitanja:

a) upoznavanje sa stavom Kolegija Predstavničkog doma, od 7.6. 2010., o zaključku 45. sjednice Komisije u vezi sa obustavljanjem postupaka o prijedlozima izmjena Zakona o carinskoj tarifi BiH iz 2007. godine, predlagača: Komisije za vanjsku trgovinu i carine i Vijeća ministara BiH

Prvi zamjenik predsjedavajućeg Komisije upoznao je prisutne s dopisom 01/a-50-1-13-132/10, od 7.6.2010., i stavom Kolegija Predstavničkog doma Parlamentarne skupštine BiH u vezi sa zaključkom, usvojenim na 45. sjednici Komisije, u kojem je predloženo obustavljanje daljnjeg postupka po prijedlozima zakona o izmjenama Zakona o carinskoj tarifi BiH.

U raspravi su učestvovali Emira Češljarić i Slavko Jovičić.

Nakon rasprave, **jednoglasno je donesena odluka o obustavljanju** daljnjeg postupka za Prijedlog zakona o izmjenama Zakona o carinskoj tarifi BiH čiji je predlagač Komisija, o kojoj će biti obaviješten Kolegij Predstavničkog doma.

O Prijedlogu zakona čiji je predlagač Vijeće ministara BiH Komisija će se izjasniti po dobivanju stava Vijeća ministara BiH.

Sjednica je završena u 14,30 sati.

Sekretar Komisije
Emira Češljarić

Prvi zamjenik predsjedavajućeg Komisije
Mehmed Suljkanović